



May/June 2007

Official Newsletter of the KwaZulu-Natal Department of Transport

# Kubuye isithunzi kubantu uCele eletha izinhlelo zika-R27 million

***“Phezu kokwakhiwa kwebhulohi lase Siqandulweni neminye imisebenzi ngonyaka wezimali odlule, izimpilo zabantu bakule ndawo zisazoshintsha ngokulethwa kweminye imisebenzi yengqalasizinda yomgwaqo ngesamba esicishe sibe ngu-R27 million”***

*Ikhasi 3*



*Yingakho-ke sithi ukuvulwa kwebhulohi namhlanje akugcini ngokuletha indlela yokuxhumana kwemiphakathi ngemimicimi yezamasiko, inhlalo nezomnotho, kodwa kuqinisekisa nokuzibophezela kwethu ngokuletha impilo engcono kubantu bonke, kanye nokuvikela ababuthaka emiphakathini yakithi - Cele.*




**NGENHLA:** Amalungu omphakathi aholwa uCele ewela ibhulohi elisha. **NGENZANSI:** UMagaye neMeya yeSisonke District uPatrick Khoza namakhansela basika iribhoni lokuvula ibhulohi elisha.



Kuzokwakhiwa ibhulohi lika-R10 million oLundi  
*ikhasi 2*



UCele uhola impi yokulwa nobugebengu  
*ikhasi 5*



UMnyango wese ka ezemfundo ezikoleni  
*ikhasi 7*

# Kufakwe R10 million wokwakha ibhuloh oLundi



*UMnuz Cele, iNkosi uLucky Mbatha waseNkonjeni eMahlabathini (kwesokunxele) neMeya yasoLundi, uMnuz Lazarus Buthelezi (kwesokudla) baphendula isoyi. - Kвесинкане: Amalungu omphakathi awela umfula iMfolozi eMnyama.*

**UMnyango wezokuThutha kulesi sifundazwe usalokhu uqhubeke njalo nokwesula izinyembezi zezakhamizi ezindaweni zasemakhaya ezingakwazi ukuwelela ngaphesheya komfula ngoba zingenawo amabhuloh okuwela.**

**N**engoba sikhulumu nje, izakhamizi zaKwaNxasane nabafundi basesikoleni samabanga aphansi iThombothi sebebalwa nezinye izakhamizi zakwezinye izindawo esezisizakele ngamabhulo nemigwaqo.

UNgqongqoshe walo Mnyango uMnuz Bheki Cele ehangene nabe-South African National Road Agency (SANRA) bagixabeze lezi zakhamizi ngesamba sika-R10 million wokwakhiwa kwebhuloh labahamba ngezinyawo elizobuye lixhumanise umphakathi waKwaNxasane nowaseSizinda.

Leli bhuloh lizobuye lixhumanise imiphakathi ehlukaniswe umfula iMfolozi eMnyama bese lisiza kakhulukazi abafundi abawela umfula beya noma bebuya esikoleni. Abafundi iminyaka yabo cishe ibe yisithupha bazithola bephoqeleka ukuba bawele lo mfula ngaphandle

kokugadwa ngabantu abadala.

Ngesikhathi ethula inkulomo yakhe phambi kwezinkumbi zabantu abebhambele umcimbi wokuphendulwa kwesoyi laleli bhuloh, uCele uthe akanakho ngisho okuncane ukungabaza ukuthi njengoba unyaka ka-2010 ususondele nje uMnyango wakhe uzobe usufinyelele esithembisweni sawo sokushintsha izimpilo zabantu zibe ngcono.

“Kuyangijabulisa kakulu ukuthi ukuba khona kwethu kule ndawo kungukufekisa lokho okumelwe yimigomo kaHulumeni wentando yeningi. Kithina eMnyangweni impilo engcono isho ukuba nezindlela zokuhamba okumabhuloh nemigwaqo,” kusho uCele.

Uqhube wathi ukwakhiwa kwaleli bhuloh kuzobuya isithembakwizakhamizi nakubafundi baseThombothi ngemuva kokulahleka kwemiphefumulo eminingi ngesikhathi bezama ukweqa umfula.

Ukwakhiwa kwaleli bhuloh ubude balo obuzoba ngu-103 metre kulindeleke ukuthi kuthathe isikhathi esiyizinyanga ezine kuphela. Kuzokuba nendawo yabahamba ngezinyawo nezimoto kodwa kuzohamba izimoto eziya endaweni eyodwa ngesikhathi hhayi eziphambana.

Osonkontilaki bazoba nethuba lokuzithathela lo msebenzi wokwakha mathupha futhi nezakhamizi zakule ndawo zizohlomula ngomathuba emisebenzi.

UNDOSI ubuye wathi okuyikhona okubalulekile ngokwakhiwa kwaleli bhuloh wukuthi izimali zalo zobuyela kwizakhamizi zakule ndawo futhi.

Abakhi abazohlomula ngokuzitholela lo msebenzi wokwakha bazosebenzisananezinkampani zaseMahlabathini/ Ulundi ukuthola izinto zokwakha futhi ukwakhiwa kwaleli bhuloh kuzoqalwa kuzogxila ekusebenziseni abantu ngezandla.

## DEVELOPMENT

# Kubuye isithunzi kubantu uCele eletha izinhlelo zika-R27 million



**NGENHLA:** UMagaye neMeya yeSisonke District uPatrick Khoza namakhansela basika iribhoni lokuvula ibhulohelo elisha.

**KWESINCANE:** Amalungu omphakathi aholwa uCele ewela ibhulohelo elisha.

**U**mphakathi wasesiQandulweni ngaphansi koMkhandlu wesiFunda iSisonke usube yingxene yemiphakathi eminingi kulesi fundazwe esisizakale futhi yabuyelwa isithunzi ngokwakhelwa amabhulohoko uwela imifula nemigwaqo.

Phela uNgqongqoshe wezokuThutha, ukuPhepha nokuXhumaniwa uMphakathi KwaZulu-Natal usanda kuvula ngokusemthethweni ibhuloholo lezinyawo lokuwela umfula uMkhomazi kule ndawoyasemakhaya.

Leli bhuloholo elidle imali engaphezulu kuka-R3 million lingelokujala ukwakhiwa ngobuchwepheshe elakhiwe ngabo kuleli lizwe, kanti ubude balo obungamamitha angu-150 benza lingene emlandweni osezingeni lomhlaba ngokuba yilolu hlobo lwebuloholezinyawo.

IMeya yeSisonke uMnuz Patrick Khoza ubonge kakhulu uNgqongqoshe uCele ngokuinisekisa ukuthi uMnyango wakhe uhlizekela imiphakathi yasemakhaya ngezindlela zokufinyelela ezikoleni, emitholampilo nakwezinye izikhungo zosizo.

UCele uthe ukuvulwa kwebuloholo kusho ukuthi sekuphelile ukwehliseka isithunzi kothisha besifazane abaphoqeleka ukukhummula izingubo zabo phambi kwezingane zabafana uma bewela uMkhomazi.

Uqhube wathi: "UMnyango wami uzobeka phambili umsebenzi wokulethwa komgwaqo oya esikhungweni sezinsiza ezididiyele,

iMulti-purpose Center, kulesi Funda. Noma yisiphi isikole nomamtholampilo ongenawo umgwaqo oya khona kumele ube nawo."

Wengeze wathi: "Njengoba sesiqedile ukwakha ibhuloholo futhi imisebenzi bekungeyesikhashana, sizibophezele ngokulekelela izinhlelo zokulima ezizosiza abantu ukuba babe nokudla abazolala bekudile."

Ukwakhiwa kwebuloholo lasesiQandulweni kwaqala ngoNovemba ka-2005 kwaphothulwa ngo-Ephreli ka-2007 ngesamba sika-R3,53 million. Usonkontileka obebekene nalo msebenzi usebenzise abantu bendawo, ngaphandle kwemfolomane nabanye ochwepheshe bemisebenzi ethile. Ekutholeni abasebenzi, uMnyango usebenzisa izinhlaka zawo ezakhiwe imiphakathi njengama-Rural Road Transport Forums (RRTF), ama-Community Road Safety Councils (CRSC), omasipala nezinye izinhlaka zemiphakathi.

Imigwaqo eyakhiwe endaweni yaseSisonke ngonyaka wezimali odlule ihlanganisa iZweliyabuya ngesamba sika-R667 000; iNcakubane ngesamba sika-R580 000; iSiphephelengweni ngesamba sika-R467 290; AmaNyuswa ngesamba sika-R875 710. Lona uzophothulwa kule nyanga kaJuly; izibuko laseNcakubane ngesamba sika-R422 894 kanti sekunkone kuzodla ngaphezulu kuka-R3 million.

Imisebenzi ehlelwe unyaka wezimali ka-2007/08 ihlanganisa esinye isigaba somgwaqo iNcakubane ngesamba sika-R580 000; iNhlewukeni ngesamba sika-R805, 530; iMahlubini ngesamba

sika-R536, 250; izibuko iNomabhunga ngesamba sika-R402, 500; ukuvuselelwa kwezibuko ku-D483 ngesamba sika-R500, 000; ukuvuselelwa kwezibuko ku-D2156 ngesamba sika-R500, 000; ibhuloholo lezinyawo emfuleni uMzimkhulu ngesamba sika-R4, 700, 000; ukulungiswa komgwaqo uP68-1 ngesamba sika-R3, 907, 709.

Lokhu kuzokudla imali ecishe ifinylele ku-R12 million. Phezu kwalokhu okungenha, le ndawo izophinde ihlomule ngalokhu okulandelayo: Ukugcina ezokuphepa zisesimweni ngesamba sika-R1 102 064; ukugcina imigwaqo isesimweni ngesamba sika-R2 775 761; osonkontileka bakaZibambele ngesamba sika-R6 392 912; ukulungiswa kabusha kwebhuqu ngesamba sika-R4 751 091. Imali engaphezulu kuaka-R15 million ebekelwe le misebenzi isiyonke.

UNDOSI UTHE: "Kusho ukuthi phezu kokwakhiwa kwebuloholo laseSiqandulweni neminye imisebenzi ebalwe ngenha ngonyaka wezimali odlule, izimpilo zabantu bakule ndawo zisazoshintsha ngokulethwa kweminye imisebenzi yengqalasizinda yomgwaqo ngesamba esicishe sibe ngu-R27 million."

"Yingakho-ke sithi ukuvulwa kwebuloholo namhlanje akugcini ngokuletha indlela yokuxhumana kwemiphakathi ngemicimbi yeza-masiko, inhlalo nezomnotho, kodwa kuqinisekisa nokuzibophezelza kwethu ngokuletha impilo engcongo kabantu bonke, kanye noku-vikela ababuthaka emiphakathini yakithi," kuphetha uCele.

# UMagaye uhlahlala indela yokulwa nobugebengu



**Ngenhla:** UCele ubingelela izithunywa zengqungquethela yokulwa nobugebengu eThekwini ngenkathi uNdunankulu ebukela ngokumamatheka.

**Ngezansi:** Izithunywa zengqungquethela.

**E**mizamweni yokulwa nobugebengu kulesi fundazwe, uNgqongqoshe wezokuThutha, ukuPhepha nokuXhumanisa uMphakathi uMnuz Bheki Cele usesungule isakhiwo esihlanganisa izinhlaka ezibhekene nobugebengu KwaZulu-Natal.

Lolu hlaka olwaziwa ngeJustice, Crime Prevention, Safety and Security (JCPS) seluqalile ukusebenza kulandela ukwethulwa kwekomidi lesikhashana elengamele lo msebenzi elihlanganisa iSAPS, uphiko Iwezokushushisa, abezobulungiswa noMnyango wezokuPhepha nokuXhumanisa uMphakathi.

Leli komidi lisungulwe mhla zingu 23

kuJuni kanti lizohlanganisa lezi zinhlaka kane ngonyaka.

Lolu hlaka kulindelele ukuthi lweseke umsebenzi owenziwa yiCommunity Policing Forum (CPF) lubuye futhi lugquqquzele umkhankaso wokulwa nezimpahla ezebiwe.

Uhlaka IweJCPs luzobhekana nale misesbenzi elandelayo:

- UkuKhuluma noMnyango wezokuThuthukiswa koMnetho mayelana nokuphuthulwa komthethosivivinywa wokudayisa utshwala "Liquor Bill" nokunxenxa bonke abathintekayo ukuba babambe iqhaza;
- Izinhlaka ze zamabhinisi nezokuvakasha kufuneka zisebenze ngokubambisana nezinhlaka zomthetho ukuze kuqinisis

ubudlelwano phakathi kwezamabhinisi nezinhlaka zokugcinwa komthetho. Kufuneka ukuthi bahlele kusenesikhathi yonke imicimbi yesifundazwe.

- UMnyango wezeNhlalakahle, owezoBulungiswa, owezeMfundu, owazaseKhaya, owezeMidlalo, owezokuPhepha nokuXhumanisa uMphakathi bazokwenza imizamo ukuze kuqoqwae izingane ezihlala emigwaqeni ziyoewe emakhaya apophagele futhi zitholelwane zonke izincwadi ezidingekayo njengomazisi, nezinye. Ngaphandle kwalokho kuzomele kufunwe abazali bazo noma izihlobo bese kuhlela ukuthi zizothola kanjani imfundo noma ukuhlunyeleliwa izimilo;
- Kuzokweniwa izinhlelo zokwesekana

## 'Defending the Weak'

### Kulethwa izigidi zokuphucula uMsinga



Amalungu om-phakathi abezibuze-la ngqo kuNdosi eMsinga muva nje.

**K**ulindelele ukuthi iguquke impilo yabantu baseMsinga kulandela ukuthi uMnyango wezokuThutha kulesi fundazwe utshale imali elinganisela ku-R23,13 million emisebenzini yokwakha nokulungisa imigwaqo namabhulohlo, ekutheni amathuba emisebenzi nokulwa.

Lokhu kuvezwe nguNgqongqoshe walo Mnyango uMnuz Bheki Cele ngesikhathi iphalamende laKwaZulu-Natal lihambele indawo yaseMsinga ukuzozizwela izinselelo ezibhekene nezakhampi zakule ndawo.

UCele uthe uMnyango wakhe uzoqinisa izindlela zokusebenzisa abantu ngezandla lapho kulungiswa khona imigwaqo ukuze abantu abaningi bathole imisebenzi.

Uthe: "Sizokugwema ukusebenzisa amaloli kasimende oxoviwe ukuze kuqashwe abantu abazokwenza imisebenzi esikhundleni semishini. Njengenjwayelo sizosebenzaisana nezinhlaka zemiphakathi ezifana nama-Rural Road Transport Forum (RRTF) nama-Community Road Safety Councils (CRSC)."

Uqhube wathi: "Esikhathini esingamasonto amabili, ngifaka ibhulohlo lezinyawo ngeamali engu-R8 million kule ndawo ngoba, njengasezindaweni eziningi zasemakhaya, abantu abanawo amabhulohlo okuwela imifula ukuze bafinyelele ezikhungweni zemiphakathi njengemitholampilo nezikole."

UMnuz Simphiwe Nkosi, obambe njengoMqondisi-jikelele ophikweni Iwe-Implementation, uthe ibanga elingu-7.5 km lomgwqaqo waseMsinga uP1268 uzolungiswa ibhuqu ngesamba sika-R1,5 million.

Esinya isamba sika-R480 000 sizosebenza ekulungiseni izibuko eHlanzeni elonakala ngesikhathi kunezikhukhula.

Uhlelo lokugcinwa komgwaqo usesimweni luzzoqala ukusebenza emgwaqeni uNadi noNgubevu. Isamba sika-R56 million sizosebenza ekulungiseni amakhilomitha angu-42.8 okudingeka enziwe emgwaqeni uP16. Izinto zokwehlisa ijbune zizofaka emgwaqeni iKopi.

Endaweni iShelembe, isamba sika-R950 000 sizosebenza ekulungiseni imigwaqo engenela ezakhiwi zemiphakathi, kodwa kuzonikezwa kuqala izindawo ezinemisebenzi yezomnotho nezikhungo zomphakathi kuhlanganisa izikole iNcikida, Ntabende, Mfunze, Mpolwane neNxamalala.

UNgqongqoshe ubo eseqinisekisa izakhampi zaseMsinga ukuthi abombutho wamaphoyisa iSAPS namaCPF sebezicijele ekulweni nobugebengu endaweni okuhlanganisa ukwebiwa kwemfuyo, ukugqkeza, ukudlwengula, ukubulala, ukutshalwa kwensangokungekho emthethweni nokuzithathela umthetho ezandleni okwenziswa imiphakathi njengokwenzeka eS'kebheni nezinye izinhlobo zobugebengu.

UKhomishama wamaphoyisa kulesi fundazwe uHemilton Ngidi uthe kuzokwandiswa isibalo samaphoyisa endaweni okuzohambisana nokwakhiwa kwestieshi samaphoyisa sesikhashana KwaNocomboshe nokungenye yemizamo yesikhashana abayenza ngokuhlanganyela noMnyango wezokuPhepha ukupqinisekisa ukuphepha endaweni yaseMsinga.

"Sinxenxa amalunga omphakathi ukuthi asebenzisane namalunga eCPF yikhona amaphoyisa ezokwazi ukuthola ulwazi aludingayo ekulweni nobugebengu," kusho uKhomishana.

UCele ubo esethi: "Ngisazobuya futhi kule ndawo sengihambisana namaphoyisa ukuzofuna izikhali ezingekho emthethweni okungenzeka ukuthi zisekhona kule ndawo, futhi ngeyiqinisekisa ukuthi akeko umuntu ozoboshwa ngokuveza izikhali ngalelo langa."

ekunqandeni ubugebengu kuyona yonke imiphakathi. Kuzobhekwa kakhulu ukusimamisa ukuzwana kwemindeni nokuziphatha ngendlela kwemindeni ezinhlakeni zemiphakathi. Ezenkolo

nokugcinwa kwamasiko kona kufanele kuhlangane ukule kuliwe nobugebengu kubuye kuhlinzekwe nangoqeqesho ekulweni nobugebengu kulezi zinhlaka nokuyikhona okuzoqinisa imiphakathi ezingoxweni zokwakha uxolo nokwakha isizwe,

• Ubugebengu bungabuye bunqandeke nangokwemvelo lapho oMasipala bezophonsa khona inselelo ekuphuculenzi ezemvelo ngokubhekana ngqo namabhulidi angasekho esimweni esihle, ikakhulukazi lawo asemadolobheni

amakhulu. UNgqongqoshe uzothola umbiko womlahlandela emhlanganweni wokubuyekeza isimo ozokuba sesikhathini esingunyaka. INhloko yoMnyango neziMenjenzo zoMnyango zizohubeka nokuzihlanganisa nezinhlaka zonke ngemuva kwengqungquethela bese zihlinzeka uNgqongqoshe ngombiko kulo kuzibophezel.

Ukusungulwa kwaloku hlaka kuza gemuva kwekhwelo elahlatshwa uNdunankulu uS'bu Ndebele ngesikhathi ethula inkulomo yakhe yesfundazwe ngasekuqaleni kwalo nyaka lapho akubeka kwacaca ukuthi uHulumeni kufanele abe nengqungquethela ukuqhamuka nezindlela ezihlukene zokulwa nobegebengu.

# EMPOWERMENT

## Uhlelo luka-ABET lushintsha izimpilo minyaka yonke



**Kwesokunxe:** UNdosi uthathwe neNhloko yoMnyango ebabile uMnuz Chris Hlabisa, iMenenja yeCorporate Services uNks Vicky Cunliffe, iMenenja ebabile ye-Implementation uMnuz Simpiwe Nkosi nabasebenzi boMnyango nothisha be-ABET emcimbini wokunikeza ngezitifiki.

**Ngenha:** Abafundi be-ABET bamukela imiklomelo yabo kuNgqongqoshe.

**UNgqongqoshe wezokuThutha kulesi fundazwe uMnuz Bheki Cele usephonsele abasebenzi boMnyango besifazane ukuba babambe ighaza ohlelweni lwemfundo yabadala i-Adult Basic Education and Training (ABET).**

**U**ndosi uveze lokhu ngenkathi ekhuluma emcimbini wokumukelisa ngezitifiki abaphumelele ezifundweni ze-ABET obubanjelwe eLay Ecumenical Centre e-Edendale muva nje.

"Kuyinkinga enku efuna ukufakelwa izibuko indabayokungabi nabantu besimame abaniningi kulolu hlelo," kusho uCele. Uphinde wagcizelela ukabaluleka kwemfundo,

wathi imfundu yayinjengesiqalekiso ngesikhathi sobandlululo njengoba imfundu yakuqala yayenzelwe ukungabakhuthazi ababefunda ngaleso sikhathi futhi nolwazi olwalutholakala lwalungenasidingo.

Njengoqweqwe lukathisha, uCele ululeke othisha ukuthi uma befundisa bafundise abantu ukuzicabangela hhayi ukubhala amagama nje kuphela. Bafundiseni ukushintsha izwe ngokucabanga ngezinto eziphathelene nabo emhlabeni njengokunyuka kuka pethilomu nje.

Uhlelolwe-ABET lugqugqzelwa uphiko Iwe-Human Resources' Skills Development eMnyangweni ngenhlosu yokuqhakambisa nokuthukuthisa amakhono ukuze nalaba abanye abasebenzi bazibone bekhuphuka ngokwamazinga omsebenzi.

UHulumeni wathula loluhlelo Iwe-ABET ukuze kwehle izinga lokungafundi kubasebenzi bomnyango ababalulekile lapha kuleli zwe. Lolu hlelo lwasungulwa ngenhlosu yokuqhamuka nemfundu esezeningi lokuthi wonke umuntu athuthukise amakhono akhe nezinga lokucabanga libe phezulu.

UNks Cindy Zwane oyiMenenja yophiko uthi lolu hlelo selukhombise ukuphumelela okukhulu ngoba nezinga lokuphumelela liyakhuphuka yonke iminyaka abanye baphumelela ngamalengiso impela.

Kulo nyaka kuphumelele abafundi abangu-421 kubona abangu-100 baphumelele ngamalengiso. Laba bafundi bavela ezifundeni zaseMnambithi, eThekwini, eMgungundlovu naseMpangeni.

UZwane uncome uHulumeni

ngokuvumela abasebenzi ukuba okwamsiza. bathathe ithuba lokuzithukisa ngokufunda kanye nokuthatha isikhathi sabo ngokuthi bahambele umcimbi wokubabongela, wathi lokhu kukhombisa okukhulu ukuzinikela kulolu hlelo.

UMabuza Ngubane ongumqugqzelu wakwa-Skills Development uthi lolu hlelo luqala esigabeni sokuqala (izibalo, nokwazi ukuzenzela) kuya esigabeni sesine esilingana nebanga lesikhombisa.

Omunye wabafundi be-ABET uBhekowakhe Madondo wayewumshayeli weloli manje usengumsebenzi wasehhovisi elibhekele uZibambele, usiza ekugcwaliseni amafomu nezinye izinto eziphathelene nakho. Uncome kakhulu othisha bakhe wathi ukubekezela kwabo yikho kwezininingi.

UKenneth Msomi waseNewcastle omunye wabafundi be-ABET uthi kuyimanje useyakwazi ukubhala okuyinto ayengayiphuphi nhlobo. Uyaziqhenya ukuthi useyakwazi nokubhala igama nenombolo yocingo Iwakhe.

UDenton Mayaba onguthisha waseMnambithi okuyibo abaphumelele kakhulu uthi: "Ukuzinikela kothisha uma behlangene kubalulekile kakhulu."

Uhlelo Iwe-ABET lumele ukuthuthukisa ulwazi, indlela yokuzipathala, amakhono nokukwazi ukuzihlanganisa namalungu ahlukene omphakathi. Phezu kwalokho, lolu hlelo luthuthukisa ulwazi lokubala, ulimi namakhono okuxhumana kusukela olimini olulodwa ukuya kwezininingi.

## UMnyango ufukula osonkontileka ngamakhono

**U**Mnyango wezokuThutha usuqophe omunye umlando futhi ekuthuthukisweni kosonkontileka abasafufusa kulandela ukuthi osonkontileka bakaVukuzakhe abangu-88 bethole ukueqeshwa ngaphansi kwe-Construction Contractor Learnerships.

UMnyango wasayina isivumelwano neConstruction Education and Training Authority (CETA) ukuthi ihlele izifundo zeConstruction Contractor Learnerships (NQF Level 2), ezithatha izinyanga ezingu-24.

Lolu qeqesho luhlose ukuthuthukisa osonkontileka emakhonweni okuphatha kanti lubhekele ikakhulukazi abesifazane kanye nentsha efuna ukuzithuthukisa. Kulo loluhlelo lokufunda osonkontileka bagcina beneziqo ezisezeningi lokuthi bazisebenzise kwezinye izinkampani.

Abafundi bathola nethuba lokueqeshelwa iNQF Level 2 ngaphansi kohlelo Iwe-EPWP oluzobasiza ukuthola amathenda emisebenzi yayo i-EPWP.

Ekhuluma emcimbini wokumukelisa ngezitifiki obuseMgungundlovu uNgqongqoshe walo Mnyango uMnuz Bheki Cele uthi uMnyango wakhe uyaqhubeke nezinye izinhlelo zazo ezipokwenziwa kulo nyaka wezimali ka-2007/08.

"UMyango wami usubeke eceleni isamba semali engapeheu kwezigidi ezilishumi zamarandi ukuqhube izinhlelo zama-learnership. Lokhu kuLanganisa ama-learnership e-EPWP okuwuhlelo olwengamelwe uMnyango wami kulesi fundazwe."

Ngaphandle kwama-learnership, uCele uthi uMnyango wakhe unohlelo lokunikezela ngemifundaze kubafundi abasezikhungweni

KwaZulu-Natal zemfundu ephakeme ngesivumelwano sokuthi lapho uma sebephothula izifundo zabo bayosebenzela uMnyango isikhathi esilingana naleso abathole ngaso usizo Iwezimali.

Lo mcimbi ububsiswe nangokubakho kweMeya yesiFundaso M gungundlovu uNks Bongi Sithole ogcizelele ngokubaluleka kwemfundo, wathi "imfundu ithuthukisa wena ithuthukise umphakathi wakho nabanye abaseduze kwakho."

Oyi mene nja yakwaCETA ehhovisi laKwaZulu-Natal, uMnuz Vusi Sibeko uhalalisele abafundi ngokuzimisela nokuzikhanda kanye noMnyango ngalolu hlelo lukaVukuzakhe kanye nokuzinikela kwabasebenzi. Ukhuthaze neminye iminyango ukuthi ayithathe isibonelo eMnyangweni wezokuThutha ngezinhllelo ezifana nalezi.

Abanye abafundi asebephuthulile izifundo uMusa Ngubane noWendy Zamisa bathi bajabule kakhulu futhi bayawubonga uMnyango wezokuThutha ngalelithuba obanike lona.

Ebonga egameni labafundi bonke, uNks Lucia Mtshali uthi



**UNgqongqoshe uCele uhalalisela umfundi emcimbini wokumukelisa ngezitifiki obuseMgungundlovu muva nje.**

ufisa ukuthi uMnyango uqhubeku nalo msebenzi omuhle wohlelo lukaVukuzakhe. "Sifuna ukuzithuthukisa ngomnotho kulelizwe ikakhulukazi thina bantu besifazane. Ulwazi yilonia olungumgogodla," kwengeza uMtshali.



## "Abazilile baba ngamanxusa ezokuphepha emigwaqeni"

**N**akuba ukufa kwabantu ngezingozi zomgwao kungekona okwemvelo, iminden iahlekelwe izihlobo iphenduka amanxusa ezokuphepha emgwaqeni ngoba umphakathi ungafundu okuningi ngezokuphepha emgwaqeni kulezo zimo ezibhekene nemindeni.

Lokhu kushiwo nguNgqongqoshe woMnyango wezeMfundu wakulesi sifundazwe uNkk Ina Cronje ngesikhathi kunenkonzo yesikhumbuzo sabantu abayisikhombisa iminyaka yabo ephakathi kwengu-11 no-26 okubalwa kubona izingane zesikole ezadlula engozini yomgwao ngasekupheleni kwenyanga eVryheid.

"Fundani kabanzi ngezokuphepha emgwaqeni ngoba ukwenzeka kwalezi ngozi kusuke kuyinto engagwemeka. Uma kuhona ulwazi ngeke sibe sezimweni ezinjengalesi esisilethe lapha namuhla," kusho uCronje.

Ukwenzeka kwale ngozi kuthiwa umshayeli weveni ebidonsa inqola iphaphalaze yazithela phezu kwezimoto ezimbili ebiphambana nazo. Imoto yesibili yazama ukuvikela ingozi kodwa yagcina isizithela phezu kwebhenge yalimala kabi. Abashonile bebekuzo zonke izimoto ezithintekayo.

UCrone uhambemazwini kaNgqongqoshe wezokuThutha, ukuPhepha nokuXhumanisa uMphakathi uMnuz Bheki Cele ukuthi izingozi zomgwao zibulala isizukulwane sakusasa saleli lizwe. Bobabili labo Ngqongqoshe bakubeke kwacaca ukuthi abashayeli bakuleli lizwe abanandaba nempilo yabantu okuholela ezingozini eziningi ezenzekayo.

UCele uthe iphutha lomuntu okuwukuthi ukushayela okungekuhle kubangwa ukukhathala kungenzeka kube yimbangela yengozi. Ubuye wathi abagibeli banelungelo lokunqaba ukugibela emotweni eshayelwa wumuntu angenazo

izincwadi zokushayela nabashayeli abashayela bephuzile.

"Iningi labantu abashona emgwaqeni kuba yiphutha elenziwa ngumuntu," kuqhuba yena.

Uthe: "Okuyona mbangela yezingozi zemigwaqo yiphutha elenziwa umuntu njengokushayela kuphuziwe, izimoto ezingekho esimweni, izimo ezingezinhle zemigwaqo, isimo okungaba ukungabi kuhle kwesimo sezulu."

UCeleutheabashayelibakulelizwe banokungahloniphani emigwaqeni nokuholela odlameni lwasemigwaqeni. Ubuye wagcizelela ukuthi abanikazi bezithuthi zomphakathi banomthwalo wokuqinisekisa ukuthi abasebenzi babo abangabashayeli bashintsha indlela yokwenza nokuphatha kabi abagibeli.


Lokhu kungesinye sezizathu zikaCele zokuthi uMnyango wakhe uchithe isamba semali ukufundisa abanikazi bezimoto ezithutha imiphakathi nabasebenzi babo ngezindlela zokuphatha kahle abagibeli nokuphephpa emigwaqeni.

**Kwesingenhla:** uNkk Ina Cronje, uMnuz Cele, neMeya yaBaqulusi Municipality uKhansela George Dlamini baduduza umndeni wakwaMasondo eNduleni.

**Kwesingenzansi:** UMeya wasoLundi uNkosikazi Zanele Magwaza-Msibi, uNdosi, uDkt. Mangosuthu Buthelezi iNhloko yoMnyango ebamble: uChris Hlabisa baduduza umndeni wakwaButhelezi oLundi.



## UMnyango ukhuthaza ubunjiniyela ezikoleni



**UMnuz Bheki Cele neNhloko yoMnyango ebamble uMnuz Chris Hlabisa bathathe uNokthula Njapha bamyisa eCape Town ePhalamende njengengxenye ye'Take a Girl Child to Work Day'**



**UMagaye noHlabisa bathathwe ngenkathi benikela ngejezi eMkhobosi Primary School muva nje.**

**UCele ubesingethe amantombazane esikole lapho uMnyango ugquqquzelabafundi ukuba benze isayensi.**

# UHlabisa uyena osabambe njengeNhloko yoMnyango



*ObeyiNhloko yoMnyango uDkt Kwazi Mbanjwa usenguMqondisi-jikelele esifundazweni.  
Ubesesebenze emnyangweni ngaphezulu kweminyaka engu-30.*

**"Ngokwami kungukukhuphula ulwazi Iwami lomsebenzi engiluthole kwi-Implementation kanti futhi ngazi ngawo wonke umsebenzi eMnyangweni uwonkana. Engikudingayo manje ukuba abaphathi bami kanye nabasebenzi bangisingathe ngayo yonke indlela"**

**U** he k u m u z i Christopher Hlabisa "Chris" noma Bab' Hlabisa"; okuyilona gama aziwa ngalo kangcono ngasebenza nabo, useqokwe uNgqongqoshe uBheki Cele ukuba abambe ukubeni iNhloko yoMnyango wezokuThutha KwaZulu Natali.

U Hlabisa wazalwa futhi wakhula KwaZulu Natali. Wagogoda izifundo zakhe zokuchwepheshe Technology kanye neCivil Engineer. Waqeqeshwa ezikhungweni ezahlukene zemfundo ephakeme KwaZulu Natal

UHlabisa ezwakalisa uvo Iwakhe uthe, "ngokwami kungukukhuphula ulwazi Iwami ngokomsebenzi engiluthole kwi-Implementation kanti futhi ngazi ngawo wonke umsebenzi eMnyangweni uwonkana. Engikudingayo manje ukuba abaphathi bami kanye nabasebenzi bangisingathe ngayo yonke indlela".

Isifiso sami okwamanje ukuba ngicgwaliise izikhala ezikhona zabaphathi abakhulu ngobulili. Kunezidingo eziphuthumayo ukuba kugqugquzelelwe abasebenzi ukuba basebenze ngendlela ancomekayo njengoba babencishwe amathuba

ngesikhathi esiphambili.

NjengeNhloko yoMnyango ubhekene nezingqinamba ezzimiza. Okokuqala ukuba agcine uMnyango wezokuThutha ukulelizinga okulona njengamanje kanye nemisebenzi encikene nomnyango njengemigwaqo kanye namabholoh kanye nokugcina imigwaqo isesimweni esihle.

"Kunemidlalo yendebe yomhlaba ka-2010 ezobe idlalelwu kulesi sifundazwe sethu ngakho kudingeka ukuba sibe nesiqiniseko sokuthi ezokuthutha zimi ngomumo. Lokhu kuLanganisa imigwaqo yokuya nokubuya lapho kuzobe kubanjelwe khona lemidlalo kanye nezokuthutha imiphakathi eziphephile kanye nasezikhumulweni zezindiza. Ukuphumelela kulokhu kumele sisebenze ngokubambisana kungabibiko osebenza ngayedwana," kusho uHlabisa.

UMnuz Hlabisa ubuye wathi uyaziqhanya ngalesi fundazwe futhi wabamba iqhaza ekusungulweni koMnyango wezokuThutha. Wabamba elikhulu iqhaza ekuqedeni ukwahlukana kuHulumeni ngemuva kokuqedwa kobandlululo, iqhaz alibambayo libalwa njengelinje elaholela ekusungulweni koMnyango wezokuThutha esifundazweni

saKwaZulu-Natal.

"Ngiqale eMnyangweni wezokuThutha KwaZulu-Natal njenge-Residential Engineer ngixile kakhulu ekwakhwiwi kwemigwaqo namabhili iminyaka emithathu. Ngalezo zikhathi zobandlululo kwakufanele ukuba ngibe nguchwepheshe yikhona ngizokwazi ukuphasisa ama-projekthi emigwaqo kanye namabholoh," kuchaza uHlabisa.

Ngonyaka ka 2002 wabhalisa kwi-Engineering Council of Southern Africa (ECSA) njengochwepheshe kwezobunjiniyela. Waba owokuqala ukubeni uSekela-Mongameli weSouth African Roads Federation (SARF) ngonyaka ka-2004, kanti njengamanje unguMongameli weSARF.

UHlabisa ejobelela uthe: "Lokhu kwenzeke emva kokuba sengisebenze kusukela ku-1989 kuya ku-1994 enkampanini eyaziwa kuleli naphesheya kwezilwandle ebizwa ngokuthi yiBKSneTBI Consulting Engineers nokuyilapho ngathola khona ueqesho nokwaziwa okwaholela ekutheningiyuselweezikhundleni eziphakeme ezintathu esikhathini esingangonyaka owodwa vo. Ngaqala ngiwuChief

Industrial Technician, ngacina sengiyiSekelaMqondisingaphansi kophiko IweTechnical Services

Ngonyaka ka 1995 waqokelwa ukuba uRegional Engineer kwathi emva kweminyaka emihlanu wanyuselwa esikhundleni sokuba wuMqondisi eMnyangweni. Wase waba Mqondisi-Jikelele ngaphansi kophiko Iwe-Implementation

ngo-2002, kungekudala uzithole eseqhoqhobele isihlalo sokuba yiso kwezokuqondiswa koMnyango.

Njengendoda eziqhenyayo konke ukuphumelela kukaHlabisa ukubeka ezandleni zikankosikazi wakhe nezingane zakhe ngokumsekela kusukela ekuqaleni kuze kuge sekugcineni.

"Kuzo zonke lezi zikhundla engikuzo isikhathi siyinto ebalulekile kakhulu kodwa yize kunjalo ngiyakwazi ukuzinika isikhathi sokuba nomndeni wami," kuphetha uHlabisa.

## ABOUT IGALELO

Igalelo is produced by the KZN Department of Transport.

Letters to the Editor as well as general comments can be forwarded to:  
Igalelo Editor, KZN Transport Department,  
Private Bag X9043,  
Pietermaritzburg, 3201.  
Tel: 033 - 355 8624  
Fax: 033 - 355 8632  
E-Mail: piwe.mkhize@kzntransport.gov.za

Website: [www.kzntransport.gov.za](http://www.kzntransport.gov.za)

Chief Editor:

Mawande Jubasi

News Editor:

Simphiwe Mkhize

Editorial Contributions:  
Sandile Nene, Ntombenhi Khoza, Henry Mamothame, Sma Zuma, Sajidaah Asmal, Mandisi Nsele, Nonhlanhla Ndwandwe, Nqobile Mtolo

Language Services  
Sibongseni Thabethe  
Secretariat:

Marjorie Moruri

Pictures:

Thami Mkhulisa

Layout/Design & Distribution:  
Hamraj Gunpath, Elton Naidoo, Zephred Mathe

Library Services:  
Michelle Dally, Lindiwe Shezi

## TRANSPORT RADIO

### PROGRAMMES:

Lungile Ndlovu and Musa Mdlalose  
Ukhozi FM's Transport Ibandla

Tuesdays 8-9 pm  
To phone in call  
**089 310 9193**

Listen to the Department's new show on Gagasi 99.5 fm  
**Thursday 6-7 pm**

**GAGASI**  
**99.5FM**